

永樂大典

百八十

- 228811

卷 二〇三	卷 二〇三	卷 九三	卷 九三
日字	日字	錄字	服字



永樂大典卷之一萬九千七百九十二 一屋

服

公服

事物紀原王沂公筆談曰中國衣冠自北齊以來乃全用胡服窄袖緋絳唐武德貞觀時猶爾開元之後稍褻博矣舊制冬亦

單膏腸單製太祖訝詔有司以前代之典上持命改製今有夾服自此始也通典曰宇文護始袍加下欄遂為後制即今公服之制也此蓋原矣

陽宗昔古今之制祭祀用冕服朝會用朝服皆用直領垂之而不加練束則如今婦人之服交掩於前而束帶焉則如今男子之衣皆未嘗上領也

今之上領公服乃夷狄戎服自五胡之末流入中國至隋煬帝時巡遊無度乃令百官戎服從駕而以紫緋絳三色為九品之別本非先王法服亦

非當時朝祭正服今雜用之亦以其便於事而不能改耳若準朝服祭服之法參取唐公服之制以為便服亦庶幾乎北史魏本紀文帝太和十年

夏四月辛酉明始制五等公服隋書禮儀志百官朝服公服皆執手板尚書錄令僕射吏部尚書手板頭復有白筆以紫皮裹之名曰笏朝服

綴紫荷。錄今左僕射左荷。右僕射吏部尚書右荷。七品已上。文官朝服皆
簪白筆。正王公侯伯子男卿尹及武職。並不簪朝服冠幘各一。絳紗單衣
白紗中單。皂領袖皂襖。革帶。曲領方心。蔽膝。白筆為袪。兩綬。鈎佩。簪導鈎
解為具服。七品已上服也。公服冠幘。絳紗單衣。深衣。革帶。假帶。履。袪。鈎解。謂
之從省服。八品已下。添外四品已上服也。絳襦。衣。公服。絳衣。即單衣也。不
去朝也。袖袪形。立如。謂之。絳衣。即單衣也。不
書車服志。從省服者。五品以上。公事朝望。朝謁。見東宮之服也。亦曰公服。
冠幘。纓。簪導。絳紗單衣。白裙。襦。革帶。鈎解。假帶。方心。鞢。履。紛。鞢。囊。雙。佩。烏
皮履。六品以下。去紛。鞢。囊。雙。佩。三品以上。有公爵者。嫡子之婚。假婦。是。五
品以上。子孫。九品以上。子爵。弁。庶人。婚。假婦。公服。公服者。皇太子。五日。常
朝。元日。冬至。受朝之服也。遠游冠。絳紗單衣。白裙。襦。革帶。金鈎。解。假帶。瑜。玉
雙佩。方心。紛。金。鍊。鞢。囊。紛。長六尺四寸。廣三寸四分。色如大綬。又曰公服。
者。常供奉之服也。去中單。蔽膝。大帶。九品以上。大事。常供奉。亦如之。百
官公服。舊制。三品以上。紫。五品以上。朱。七品。九品。青。元。豐之制。去青。不
用。階官。至四品。服紫。至六品。服緋。皆象笏。佩魚。九品以上。則服綠。以木為
笏。上挂下方。武臣。內侍。皆服紫。而不佩魚。佩版。官及伎術。若公人之八品。

者並聽服綠官應品而服色未易與品未及而已易者或以年格或以特恩治平四年京朝官衣緋綠十五年熙寧元年見任陞朝官衣綠正郎以上衣緋三十年並改服色此特恩也又令臣僚嘗奉使北朝及接押伴使人遇到闕起居赴宴曾借服者聽服入朝王文正公筆錄文武陞朝官過郊廟展禮諸大朝會並朝服常朝起居並公服今百執事由常趨而上每歲誕節端午初冬各賜時服有差內公服舊制雖冬賜亦止單絮至太祖皇帝在位許其方冬而賜單衣諸有司對以遵用已久蓋前之闕典上於是特命改制令公卿大夫之有袂公服自此始也宋會要公服唐制謂之常服色同袴褶曲領無明加欄折上巾今常服之太宗雍熙初郊祀慶成始許升朝官服緋綠二十年者叙賜緋紫真宗登極京朝官亦聽叙後東封西祀赦書京朝官並以十五年為限仁宗英宗神宗登極亦如例其特恩賜紫衣犀帶緋衣塗金寶鉞帶太宗太平興國二年二月八日詔朝官出知節鎮及轉運使副衣緋綠者並借紫知防禦團練刺史州衣綠者借緋衣緋者借紫其為通判知軍監止借緋後江淮發運使同轉運提點刑獄同知刺史州七年正月九日翰林學士承旨李昉言準詔定車服制度禮部式三品已上服紫五品已上服朱七品已上服綠九品已上服青

派外官及庶人並衣黃。宋詳除服青服黃。父已寢廢。自今派外官及貢舉人。庶人許通服皂衣白袍從之。真宗景德三年六月十三日。詔內諸司使以下。出入內庭。不得服皂衣。違者論其罪。內職亦許服窄袍。仁宗明道二年十月九日。詔審刑院詳議官省府推判官。羣牧判官。舊例合賜緋者。造謝日。閤門取旨。景祐元年六月十二日。詔軍便曾任通判者。借緋。曾任知州者。借紫。慶曆元年二月二十八日。龍圖閣直學士任布言。欲望自今。贈官至正卿者。其畫像許服緋。至卿監許服紫。從之。七年五月十一日。侍御史吳鼎臣言。武班及諸職司人吏。曾因親喪。出入禁門。其有累素紗幘頭者。殊失肅下尊上之體。欲乞文武兩班。除以官品起復。許累素紗外。其餘臣僚并諸職司人吏。雖有親喪。服未除。並同光紗加首。不得更累素紗。詔送太常禮院。而禮官言。準令文凶服不入公門。其遭喪被起。在朝參處常服。各依品服。惟色以淺。無金玉飾在家者。依其服制。其被起者及暮喪以下。居式微者。永冠朝集。皆聽不預。令鼎臣所奏有礙。今文詔依所定。如遇筵宴。其服淺色素紗人吏。不令祗應。嘉祐三年三月十三日。詔自後。知雜御史衣綠者。告謝日。閤門取旨。紹興五年閏二月十九日。右奉議郎葛與時言。切見去歲九月。明堂恩宣教郎以下。父母年九十以上。與官封與時。

父世長年九十五。先已叙封宣教郎致仕。乞將前項恩上與父改換五品服色。特從之。紹興三十二年。孝宗以知江未改元六月十三日敕。應承務郎以上服緋。服緋及十五年。並與改轉服色。二十九日。詔今後無出身人。自年二十。依今出官服。服日。起理。服緋人亦自年二十。服緋日。起理。有出身人。自賜出身日。起理。內除竊丁憂年月日。不理外。歷任無職。濫私罪至徒。過犯。至赦前及十五年。依赦改轉施行。殿中侍御史張震奏。今日之弊。在於人有僥倖之心。能革其俗。而後天下可治。且改轉服色。常赦自隆。朝官已上服。祿大夫以上服緋。准事及二十年。方得改賜。今赦自承務郎以上服緋。服緋及十五年。便與改轉。比之常赦。不唯年限已減。而又官品相絕。蓋已為異恩矣。今竊聞省部欲自補官日。便理歲月。即是嬰孫授命年。纔十五者。今遽服緋。而貴近之子。或初年賜緋。年纔及冠者。今遽賜紫。朱紫紛然。不亦濫乎。竊聞靖康建炎恩赦。亦不曾以補官日為始。若始於出官之日。頗為折衷。蓋比之莊事所減已多。而比之初補。粗為有節。乞下吏禮部參酌施行。禮部看詳奏。聞故有是命。隆興二年六月十八日。詔少傅保康軍節度使充醴泉觀使大宰郡王吳玠。依韋淵例。賜花羅公服。許服者。赴赴朝參。乾道四年正月十一日。詔太學上舍生黃倫釋褐。特與補左承

務郎。依唱名例給賜袍笏。於國子監教化堂祇受。自後釋褐並如之。九年十二月十日。詔太學上舍鄭鑑釋褐補左承務郎。候太學錄有闕日取旨。差下祇候庫依唱名例給賜袍笏。合於國子監教化堂祇受。以上乾道會要。乾道四年十二月十三日。詔大尉保信軍節度使充萬壽觀使鄭藻賜花羅公服。許合着赴朝參。嘉祐三年。詔三品轉運使朝辭上殿日。與賜章服。諸路轉運使。候及十年。即與賜章服。徽宗重和元年。詔禮制局自冠服討論以聞。其見服釋先改用履禮制局奏。履有絢纁純綦古者烏履各隨裳之色。有赤烏白烏黑烏。今履欲用黑革為之。其絢纁純綦並隨服色用之。以倣古隨裳色之意。詔以明年正旦改用。禮制局又言履隨其服色。武臣服色一等。當議差別。詔文武官大夫以上具四飾。朝請郎武功郎以下去纁並稱履從義郎宣教郎以下。至將校校衛官去纁純。並稱履。當時議者以釋不常用之中國實廢釋氏之漸云。中興仍元豐之制。四品以上紫。六品以上緋。九品以上練。服緋紫者必佩魚。謂之章服。非官至本品不以假人。若官卑而職高。則特許者有三百。庶官連六部侍郎。自庶官為侍制或出為奉使者是也。又有以年勞而賜者。有品未及而借者。升朝官服練。大夫以上服緋。莅事至今日以前及二十年歷仕無過者許磨勘改。

授章服。此賜者也。或為通判者許借緋。為知州監司者許借紫。任滿還朝仍服本品。此借者也。又有出於恩賜者焉。紹興十二年九月以皇太后西鑾詔。承務郎以上服緋。在事至今日以前十七年者。並改轉服色。淳熙七年三月四日。詔新知明州范成大。朝見許服紫。昨賜笏頭金帶。以成大曾任參知知事。今赴闕奏事。上紫黑帶佩金魚。有司取告。我有是命。九年九月十七日。詔趙伯圭除少保封郡王。仍賜玉帶。十年十月十六日。詔權侍郎以上罷任不帶職名。許服紅鞋排方黑犀帶。十二年二月二十三日。詔武臣知州軍官未陞朝者可依文臣守俸借服色例。許權繫紅鞋角帶。候回日依舊。十三年二月四日。詔新授太傅保寧軍節度使致仕魏國公史浩賜玉帶。今繫赴朝參。淳熙十六年七月十一日。詔閤門宣贊舍人帶玉器械霍漢臣。昨在殿陛應奉日久。所有左藏庫元闕借到金帶一條。特令就賜。紹興元年正月閤門宣贊舍人張進之。十月閤門宣贊舍人潘師觀。二年六月閤門宣贊舍人帶玉器械郭玠。並以應奉日久亦有是賜。十六日。詔成忠郎吳玠。特除閤門祇候。令祇候庫闕金帶一條。許令服繫。仍與家便差遣。紹興二年正月一日。宰執進呈四川制置使京鏞因任上日。且與加寶文閣侍制令再任。特賜帶。嘉定二年十一月十一日。樞密院劄

予勘會已降指揮。鎮江軍統制馮櫛廬序各特賜金腰帶一條。許令服繫所合具申。取自指揮。詔合左藏封樞庫證應取撥給付。四年三月十五日。樞密院奏檢會已降指揮。鎮江都統司統制官廬序。特賜金束帶一條。詔令封樞庫於見管金束帶內支撥給賜。七年二月十一日。樞密院奏勘會鎮江都統司統制蔣世顯赴都堂稟覆職事訖。詔蔣世顯特改差楚州駐劄御前武鋒軍統制。填見闕。特賜金束帶一條。許令服繫。仍於封樞庫日下支給盤纏錢二千貫。付蔣世顯起發歸司。疾速前去本州管幹軍馬各具知稟申樞密院。十二年正月十九日。樞密院開檢會已降指揮。節文李全特賜金腰帶一條。許令服繫。詔令封樞庫日下取撥給賜。具知稟申樞密院。十二月二十六日。詔鄭莊孫昨任閤門看班祇候。曾於戶部關借金腰帶一條。可特與就賜。許令服繫。十四年五月二十三日。奉直大夫直寶謨閣主管建康府崇禧觀趙不懌。詔以不懌行壽年高。中外屢更事任。自為司農卿。今已十二年。理宜優異。可特換授保康軍承宣使。提舉佑神觀。仍奉朝請。賜金帶一條。許令服繫。悅生隨抄判都省。乃左右丞耳。昧者以為令僕之職。非也。一朝士五月起居水緋紗公服。為臺司所糾。三司使包拯亦水紗公服。閤門使請易之。詰云有何條例。答云不見舊例。只見至尊。

御此耳。乃易之遼史儀衛志。國服公服謂之展裏著紫。興宗重熙二十二年詔八房族中情道宗清寧元年詔非勲戚之後及夷離董副使并承應有職事人不帶中。皇帝紫皂幅巾紫窄袍玉束帶或衣紅襖。臣僚亦幅巾紫衣。公服勦前儀。閏使公服紫履遼國嘗用公服矣。金史儀衛志。金初國制凡朔望常朝日置錦衣擎手百人分立兩階。其儀都副點檢公服偏帶公服大定官制文資五品以上官服紫。三師三公親王宰相一品官服大獨科花羅。羅徑不過五寸。執政官服小獨科花羅。羅徑不過三寸。二品三品散搭花羅。謂無枝葉者。徑不過寸半。四品五品服小雜花羅。謂花頭碎小者。徑不過一寸。六品七品服緋芝蔴羅。八品九品服綠無紋羅。應武官皆服紫。凡散官職事皆從一官。上得兼下。下不得僭上。窄紫亦同服色。各依官制品格。其諸局分承應人並服無紋素羅。十五年制曰袍不加襴。非古也。遂命文資官公服皆加襴。服色各以官品論。如五品官便可服五品服。如武臣至四品皆橫金。文臣則加魚。不待錫賜而即自服焉。國主親朝服純紗僕頭窄袖赭袍玉區帶黃滿領。如遇祭祀冊封告廟則加袞冕法服。平居閑暇皂巾雜服與士庶無別。太子服純紗僕頭紫羅寬袖袍。象簡玉帶。佩雙玉魚。王公服謂親王及三公服紫羅寬袖袍。紗製僕頭。象簡玉帶。

佩玉魚正一品謂左右丞相左右平章事開府儀同三司服紫羅袍象簡
玉帶佩金魚從一品謂左右丞左右參知政事崇違特選樞密察院使服
紫羅袍象簡金帶佩金魚二品謂自金紫光祿大夫至榮祿大夫服紫羅
袍象簡御仙金帶佩金魚三品至四品謂文臣資德大夫至中大夫武臣
龍虎衛上將軍至定遠大將軍並服紫羅袍象簡荔枝金帶文臣則加佩
金魚五品謂文臣中散大夫至朝列大夫武臣廣威將軍至宣武將軍並
服紫羅袍象笏紅鞋烏犀帶文臣則帶金六品至七品謂文臣奉政大夫
至儒林郎武臣武功將軍至忠顯校尉文臣則服緋武臣則服紫並象笏
紅鞋烏犀帶文臣佩銀魚八品至九品謂文臣文林郎至將仕郎武臣忠
勇校尉至進義校尉文臣則服緋武臣則服紫並象笏黑鞋角帶司天太
醫內侍教坊祿皆同文武官惟不佩魚應殿庭承應五品以下官非入內
不許金帶又展紫入殿庭者並許服紅鞋不佩魚又二品以上官許兼服
通犀帶三品官若治事及見賓客許兼服花犀帶大定二年制百官趨朝
赴省並須裹帶五品以上官趨朝則朝服赴省則展皂兩雪沾衣則從便
凡朝參主賓主符展紫御仙花戴太平花金束帶近侍給使供御筆硯直
長符寶吏紫襖子塗金束帶輪直則近侍給使並常服則展紫闔門六尚

遇朝參侍立則服本品服。若宮中當直則服窄紫金帶。學士院官修起居注補闕拾遺祕書丞祕書郎朝參侍立則服本品服色帶當直則窄紫金帶。東宮左右衛率僕正副僕正典儀贊儀內直郎丞當直亦許服之。太子太師出入官中則展紫至東宮則展皂。三少則展紫經世大典按衣服令曰公服亦名從省服唐與服志曰江南則以巾褐裙襦北朝則雜以戎夷之制爰至北齊有長帽短靴朱紫玄黃各任所好雖宴見君上出入省寺若非元正大會一切通用隋代帝王貴臣多服黃紋綾袍大業元年始令五品以上通服朱紫是後貴賤異等用緋綠武德初天子常服以黃袍衫復漸用赤黃遂禁士庶不得以赤黃為衣服雜飾四年八月勅三品已上其色紫五品已上其色朱六品已上其色黃正觀四年詔三品已上服紫四品五品服緋六品七品以綠八品九品以青龍朔三年改青為碧上元元年令四品服深緋五品服淺緋六品服深綠七品服淺綠八品服深青九品服淺青文明元年八品改為碧大和元年服青碧者許通服綠又有賜緋賜紫及賞借之文宋如其制元典章至元二十四年閏二月樞密院咨准中書省劄付朱呈軍官服色未見定到體例具呈照詳事為此送禮部與太常寺翰林國史院官一同議得敕太保相公老的每商量來奉

准。文資官定例三等服色軍官再行定奪。今收附諸國數年所據軍官擬
合依隨朝官員一體製造具呈照詳事都省准呈除外可照會依例施行
一公服俱右縫上得兼下下不得僭上一品紫羅服大獨科花直徑五
寸二品紫羅服小獨科花直徑三寸三品紫羅服散答花謂無枝葉直徑
二寸四品五品紫羅服小雜花直徑一寸五分六品七品緋羅服小雜花
直徑一寸八品九品綠羅服無紋羅提控都吏目公服至元九年中書
禮部近據濮州申本州如遇捧接詔敕其提領案牘合無製造公服乞照
詳省部議得諸路總管府并縣府上中下州所設提領按牘都吏目俱係
未入流品人員難擬製造公服如遇行禮權擬衣袍合羅窄衫黑角束帶
舒脚襖頭呈奉中書省劉付准呈仍通行合屬依上施行禮生公服至
元十年中書吏禮部河間路申為定奪禮生公服事本部議得各路禮生
不須初設擬合於見設司吏內不妨委差一名勾當外據合穿公服比及
通行定奪以未權擬穿茶合羅窄衫舒脚襖頭黑角束帶呈奉都堂鈞旨
准呈送本部行下照會施行典史公服大德七年十月二十一日江西
行省准中書省咨該奉咨江州路瑞昌縣典史范昇照得先准都省咨未
入流品人員權擬檀合羅窄衫烏角束帶舒脚襖頭即目各處典史擬於應

得都吏目人負內選差未審合無製造咨請照驗准此送禮部呈議得在前司縣典史路府自行遷調自今腹裏省部擬注其江南者行省定奪所據公服雖無通例却緣臣下致敬之儀禮合嚴謹如准製造相應得此都省准擬咨請行下合屬依上施行巡檢公服大德八年六月二十二日江西省准中書省咨禮部呈大名路臨開州濮陽縣申卜州鎮巡檢寬古夏牒切見各處典史都吏目製造擅合羅窄衫烏角帶舒脚幞頭在前司縣典史路府自行遷調自今腹裏省部擬注所據公服雖無通例却緣臣下致敬之儀理合嚴謹都省准擬照得都吏目即係祇受吏部割付人負單職見受都省割付充巡檢合無一體製造公服相應府司看詳巡檢之名品係派外之職所掌從九品印信專以警捕盜賊不為不重合依前例准令製造相應照係通例乞明降得此本部議得腹裏江南巡檢與院務倉庫官皆受省割付行省割付吏部割付俱無公服參詳比依提控案牘都吏目典史例製造相應如蒙准呈過行以爲通例具呈照詳得此都省議得除巡檢公服依准製造外據院務倉庫等官近後定奪咨請依上施行大德十年六月湖廣行省准中書省咨四川省咨重慶路倫全州儒學中學正堂慶安呈近家州官詣學行香仰卑學諸儒置倫唐巾襪帶卑職壽恩

今後春秋釋奠。天壽聖節行禮。諸儒各服唐巾。襴帶。學正師儒之官。却以常服列班陪拜。似無旌別。有失觀瞻。照得吏目巡檢。俱蒙上司定例。製造服色。學正亦係省府設立人員。合無依上製造。府司看詳。路府州學正亦受省割人員。合無與巡檢集牘吏目典史一體製造服色。咨請定奪。得此送據禮部呈。來詳學正學錄教諭係師儒之職。俱受省部割付。若與諸生同服。似失尊卑之序。合准所申一體製造相應。都省准呈施行。至元十年二月中書吏禮部承奉中書省判送大司農御史中丞兼領侍儀司呈。至聖文宣王用王者之禮樂。御王者之衣冠。南面當坐。天子供祠。其於萬世之絕尊。千載之通祀。若莫如吾夫子也。切見外路官員提學教授。每遇春秋二丁。不變常服。以供執事。於禮未宜。及照得漢唐以來祭文廟享祖稷。無非具公服執手板行諸祀享之禮。且鄉人儼孔子猶朝服而立。于阼階。況先聖先師安得不備禮儀者乎。釋老二家與儒一例。彼皆貴冠緇水以別其徒。獨彼孔門衣服混然。無以異於常人者。自今以往擬合全執事官員各依品序穿着公服。外據陪位諸儒亦合衣襴帶冠唐巾。以行釋菜之禮。似為相應。批奉都堂鈞旨。送吏部議得。衣冠所以彰貴賤。表誠敬。况國家大祀先聖先師不必援釋老二家之例。凡預執事官員及

陪位諸儒自當謹儀禮以行其事。參詳如唯侍儀司所呈似為相應。乞賜
通行合屬。春秋二丁除執事官已有各依品序製造公服。外據陪位諸儒
自備欄帶唐巾以行釋菜之禮。呈奉都堂鈞旨。送本部就牒翰林院議擬。
回准牒該照得貴部所擬是為相應。呈奉都堂鈞旨。送本部准呈施行。十
年三月。吏部奉省判大司農卿史中丞呈。至聖文宣王周王者禮樂御
王者衣冠。南面當坐。天子供祠。其於萬世之絕尊。千載之通祀者。莫如吾
夫子也。春秋二丁除執事官已有各依品序製造公服外。據陪位諸儒自
備欄帶唐巾以行釋菜之禮。牒翰林院議擬相應。呈奉都堂鈞旨。准呈行。
下合屬依上施行外。今見建康路學祭祀。陪位諸儒未嘗置欄帶唐巾。
乞賜通行各道一體施行。本臺看詳。自平江南以來。凡遇春秋朔望釋奠。
諸儒各衣深衣。執事陪位行之已久。考之於古。凡協禮文。南北士服。宜從
其便。具呈照詳得此。送儀禮部呈議得釋奠先聖禮尚誠敬。除腹裏已
有備行體制外。有江南路分合合獻官與祭官負依品序各具公服。執事
齋郎人負水欄帶冠唐巾行禮。陪位諸儒如准行臺所擬。南北士服。各從
其便。於禮為宜。具呈照詳。都省准。請依上施行。雲麓漫抄古人戴冠上
衣下裳。衣則直領而寬袖。裳則裙。秦漢始用今道士之服。蓋張天師漢人

道家祖之周武帝始易為袍上領下襴窄袖幘頭穿靴取便武事五代以來幘頭則長其脚袍則寬其袖今之公服是也或云古之中衣即今僧寺行者直裰亦古遂掖之水老學庵續筆記今燕俗於公服下着二禮故軀幹天矯便於乘馬或笑以為似一大梭然故事重吾輔臣賜公服衫袴外以紅襦直褰及三禮但不知其製何如耳聖賢言行故事宋安定先生胡瑗子純天教人有法科條纖悉備具以身先之科條謂教法條目幘細也悉詳盡也備完之具及之視諸生如其父兄先生以父兄之道自居諸生亦信愛如其子弟諸學生以子弟之職下先生為蘇湖二州教授蘇州今平江湖州今嘉興雖大暑必公服終日以見諸生未嘗棄履嚴師弟子之禮學徒千數散在四方隨其人賢愚皆循循雅飭循循循所漸進也雅正也飭修也人品有賢愚高下之不齊明先生以漸訓誘之使人人皆端正精熟山堂考索後世禮服因未能猝服先王之舊然且得華夷稍有辨別尤得今世之服大抵皆胡服如上領衫靴鞋之類先王冠服掃地盡矣中國衣冠之亂自晉五胡後遂相承襲唐接隋隋接周周接元魏大抵皆胡服朱子語類錄今之公服皆古之戎服古公服是法服朱衣冠幘冠則三公用貂蟬御史用獬豸衣之上則係帶帶劔之類六七件隋煬帝南遊